


鄂國金佗稗編

十五之七



漢	書	門	類
八	九	四	九
二	一	六	二
冊	架	函	號

漢	書	類	
八	九	四	九
二	一	六	二
冊	架	函	號

內閣文庫	
番號	漢 8949
冊數	20 (7)
函號	287 90



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



鄂國金佗粹編卷第十五

淺草文庫

孫奉議郎權發遣嘉興軍府兼管內勸農事岳珂編進

家集卷之六

議中

乞解軍務劄子

乞解軍務第二劄子

辭男雲特轉恩命劄子

辭男雲特轉恩命第二劄子

辭男雲特轉恩命第三劄子



辭男雲持轉恩命第四劄子

辭少保第三劄子

辭少保第四劄子

辭少保第五劄子

辭再命劄子

辭男雲特轉恩命劄子

乞叙立王次翁下劄子

乞叙立王次翁下第二劄子

辭衣帶劄子



宋集

得因

辭初除銀絹劄子

辭男雲除御帶劄子

辭男雲除御帶第二劄子

辭初除銀絹第三劄子

乞解樞柄第二劄子

乞解樞柄第三劄子

辭除兩鎮在京宮觀第二劄子

乞解軍務劄子

武勝定國軍節度使開府儀同三司湖北京

西路宣撫使兼營田大使臣岳飛劄子奏臣
竊謂事君以能致其身爲忠居官者以知
止不死爲義伏念臣受性愚戇起家寒微顧
在身官爵之崇皆陛下識拔之賜苟非木
石寧不自知每誓粉骨靡身以圖報稱然臣
叨冒已踰十載而所施設未効寸長不惟曠
職之可羞况乃微軀之負病蓋自從事軍旅
疲耗精神舊患日昏新加脚弱雖不辭於
黽勉恐有誤於使令願乞身稍遂於退休庶

養病漸獲於平愈比者修盟漠北割地河南
既不復於用兵且無嫌於避事伏望陛下
俯昭誠悃曲賜矜從令臣解罷兵務退處
林泉以歌詠陛下聖德爲太平之散民
臣不勝幸甚他日未填溝壑復効犬馬之報
亦未爲晚臣無任激切戰懼俟命之至取
進止

乞解軍務第二劄子

武勝定國軍節度使開府儀同三司湖北京

西路宣撫使兼營田大使臣岳飛劄子奏臣
頃以多病易衰仰瀆 宸聽乞退處丘壠以
便養病伏蒙 陛下未忍棄去尚閔 俞音
不免控瀝肺肝再攄悃悞今賢能輩出才智
駢臻干城腹心之士可付以軍旅者類不乏
人則臣之所請無邀 君之嫌今講好已定
兩宮 大眷不日可還偃武休兵可期歲月
臣之所請無避事之謗臣不揆庸愚幸免此
事止以疾病餘生恐悞 任使久享厚祿

坐費大倉蚤夜以思身不遑處所以不避
缺鉞至於再而不自已伏望 陛下垂溥照
之明 回蓋高之聽曲如 仁惻 洞照愚
衷使一夫之微終遂其欲特許退休就營醫
藥臣不勝感戴 聖德願望之至取 進止

辭男雲特轉 恩命劄子

武勝定國軍節度使開府儀同三同湖北京
西路宣撫使兼營田大使臣岳飛 子奏臣
今月十五日准尚書省劄子十四日三省同

奉 聖旨岳雲可落閣職與轉武顯大夫遙
郡刺史臣聞惟名與器不可以假又故循守
資格自有常法必有非常之功而後有非常
之賞如臣男雲始就義方尚存乳臭雖累經
於行陣曾未見於事功比者仰蒙 聖恩曲
垂 異眷超資躡等驟進官職不惟使雲志
氣怠惰而臣益切滿盈之愧况臣既已仰竊
國恩致身顯位固有僥冒之名矣今併與其
子而僥冒其可乎伏望 陛下揭離照之明

武勝定國軍節度使開府儀同三司
西路宣撫使兼營田大使臣岳飛
近兩具辭免臣男雲武顯大夫遙
尚書省劄子奉 聖旨依已降
不得再有陳請者恭讀之際愧汗交
臣叨荷 聖思實倍倫等曲折之辭
述不敢喋喋上瀆 天聽臣以辭免
恩命重蒙 玉音戒諭丁寧又不敢
天意跼蹐拜 命已切悚惶今若并

無功進職是臣辭榮而益榮避祿而激
恩雖至厚公議謂何伏望 特簡淵
回 洞照特賜 寢免庶安愚分取

辭男雲特轉 恩命第四劄

武勝定國軍節度使開府儀同三司湖
西路宣撫使兼營田大使臣岳飛劄子
先三具劄子辭免臣男雲武顯大夫遙
史恩命事今月二十一日准尚書省劄
省同奉 聖旨依已降 指揮不允不得

有陳請臣聞正已然後可以正物自治然後
可以治人臣奮身踈逃冒 國寵榮 陛下
誤恩擢置重任以孱陋之資將軍旅之衆顧
惟匪稱夙夜惶懼惟恐檢飭修省有所未至
不足以服衆比者男雲未嘗立功遽遷優秩
在臣私分實不遑處臣庸懦無能方將勉竭
駑鈍仰圖報稱而自使其子受無功之賞則
是臣不能正已而自治將何以率人哉伏望
陛下憐臣拙直 察臣愚衷早賜 俞音收

還 成命容臣男他日大立戰功然後 命
之以官亦未爲晚所有官告一軸除已令本
司簽廳牒鄂州於軍資庫寄納外取 進止

辭少保第三劄子

武勝定國軍節度使開府儀同三司湖北京
西路宣撫使兼營田大使河南北諸路招討
使臣岳飛劄子奏臣伏蒙 聖恩除臣少保
加食邑七百戶食實封三百戶臣已兩具辭
免今月初十日伏奉 詔書不允者臣聞忠

臣之事 君計功而受賞量力而受官不爲
苟得以貪爵祿况師旅方興事功未著臣方
同士卒之甘苦明將佐以恩威冀成尺寸之
功仰報 君父之德豈可身被 厚寵而忽
然不以當鋒刃冒矢石者爲心哉所有少保
恩命臣實不敢祇受伏望 陛下 日月照
臨 乾坤覆載 察臣肺腑追寢 異恩臣
願憑 陛下雷霆之威託 宗廟山嶽之福
罄竭駑鈍期效涓埃候將來功績有成臣將

拜手稽首祇承 休命矣誠懇迫切至於再
三千冒 天威臣不任戰悸恐懼之至取
進止

辭少保第四劄子

武勝定國軍節度使開府儀同三司湖北京
西路宣撫使兼營田大使河南北諸路招討
使臣岳飛劄子奏臣昨蒙 聖恩特降 告
命除臣少保加食邑七百戶食實封三百戶
臣已三具劄子辭免今月初九日伏奉 詔

書不允不得再有陳請者臣聞爵以馭其貴
祿以馭其富爵祿者 人君馭天下英豪而
使之貴富也人孰不欣受而願享之然名器
假人爲傳所譏無功受祿爲詩所刺則 君
不可以輕予臣不可以妄受臣性資樸魯又
叨 寵榮每懼滿盈弗克負荷况乃孤棘實
爲 異恩若更無功輒有貪冒臣賦分謏薄
竊恐別招 譴責伏望 陛下憐臣懃懇特
降 俞音追還 恩命庶使臣稍安愚分別

效寸長仰報 陛下天地生成之德干冒
斧鉞臣不任戰慄俯伏俟 命之至取 進止

辭少保第五劄子

武勝定國軍節度使開府儀同三司湖北京
西路宣撫使兼營田大使河南北諸路招討
使臣岳飛劄子奏臣伏蒙 聖恩特降 告
命除臣少保加食邑七百戶食實封三百戶
臣已四具劄子辭免八月三十日准尚書省
劄子三省同奉 聖旨不允令日下祇受仍

依累降 詔旨不得再有陳請者臣之事
君義無有已若夫貪慕爵祿務榮一身而不
以 國家為念則非臣之所忍為也比者羯
胡敗盟再犯河南之地肆為殘忍人神共憤
臣方將策駑礪鈍冀效尺寸以報 陛下天
地生成之德今則虜騎寇邊未見殄滅區區
之志未效一二臣復以身為謀惟貪爵祿則
誠恐不足為將士之勸而報 恩無所萬誅
何贖伏望 睿慈追寢 成命特賜 俞音

姑詔 有司留以為臣異時消埃之賞取
進止

辭冊命劄子

少保武勝定國軍節度使湖北京西路宣撫
使河南北諸路招討使兼營田大使臣岳飛
劄子奏臣比准 制命授臣少保累具辭免
伏蒙 聖慈降詔不允不得再有陳請臣不
斧鉞之誅再露丹誠仰干 天聽乞賜追
又於今月初一日奉 聖旨指揮閣門岳

飛除少保累具辭免已降 旨指揮不允日下
祇受不得再有陳請可令便立新班特放告
正謝臣已於今月初二日望 闕謝 恩祇
受訖所有冊命恩數伏望 睿旨許免以安
愚分取 進止

辭冊命劄子

少保武勝定國軍節度使湖北京西路宣撫
使兼營田大使河南北諸路招討使臣岳飛
劄子奏臣於今月二十六日准 旨授臣男

雲左武大夫忠州防禦使臣聞 君之馭臣
固不吝於厚賞父之教子豈可責以近功臣
昨恭依 睿筭與虜賊決戰於陳穎之間雲
隨行迎敵雖有薄效殊未曾立到大功遽超
橫列仍領郡防 賞典過優義不遑處所有
告命臣不敢令雲祇受伏望 聖慈俯垂
天鑒追還 異恩庶使雲激勵懦庸別圖報
效取 進止 乞叙立王次翁下第二劄子

少保樞密副使臣岳飛劄子奏臣近蒙 恩
除樞密副使已具懇辭未沐 矜許伏奉
聖旨令參知政事王次翁叙位在臣之下臣
契勘參知政事叙位舊例在樞密副使之上
臣雖謬忝孤卿豈得遽紊班列欲望 聖慈
令臣只依舊例叙位在參知政事之下庶使
邦儀不易愚分可安取 進止 乞叙立王次翁下第二劄子
少保樞密副使臣岳飛劄子奏臣契勘參政

與樞副叙位 朝廷自有定例豈可為臣忝
竊孤卿叙位使在參知政事之上不免再具
誠懇仰瀆 聖聽伏望 睿慈曲垂 昭鑒
許臣只依近例叙位在參知政事之下庶使
庸愚不致僭越取 進止

辭衣帶劄子

少保樞密副使臣岳飛劄子奏臣於今月二
日正謝伏蒙 聖恩依例賜臣對衣金帶魚
鞍馬竊念臣一介么微遭遇 宸眷之厚

近年累曾

恩賜金帶等物今更循例錫

子在臣無能實為過分伏望 睿慈特賜
寢罷庶使蠢愚不致冒濫 瀆 天聽臣不
勝惶懼之至取 進止

辭初除銀絹劄子

少保樞密副使臣岳飛劄子奏今月初九日
御藥院官衛茂實奉六月十三日 聖旨以
臣初除樞密副使依宰臣例支賜銀絹各一
千匹兩臣遭遇 聖眷至厚至深既擢任於

樞庭又錫賚以多物內外情文靡所不盡
陛下所以待人臣之禮斯亦至矣然臣稟生
竒蹇賦分寒薄夙夜震驚恐不足以當
陛下
下錫子之厚伏望 聖慈俯垂 睿照收還
所賜銀絹庶使稍安分量不至盈滿取進止

辭男雲除御帶劄子

少保樞密副使臣岳飛劄子奏臣於今月初
九日准尚書省劄子七月初八日三省同奉
聖旨岳雲除帶 御器械伏念臣叨冒 聖

恩擢實樞府靜思無補已劇愧顏臣男雲年
少蠢愚未練官業今輒處以 御帶之職實
為親近在臣寒微尤不遑處兼恐於 法或
有妨礙不免控瀝危懇仰瀆 聖聰伏望
睿慈曲垂 天鑒追還已降 指揮庶得稍
安愚分取 進止

辭男雲除御帶第二劄子

少保樞密副使臣岳飛劄子奏臣今月十二
日准尚書省劄子奉 聖旨以臣辭免男雲

除帶 御器械差遣不允臣竊以 御帶之
職至近 冕旒非有干城之才可以任腹心
之寄者不足以當其選臣男雲年少蠢愚殊
未練達世務一旦驟遷此職實非駭幼所能
陛下為官擇人豈當出此知子者父誠不皇
安不免披露愚誠再干 天聽伏望 睿慈
追還雲上件差遣庶免人言少安愚分取
進止

辭初除銀絹第三劄子

少保樞密副使臣岳飛劄子奏臣近蒙 上指
揮依宰臣例支賜銀絹各一千匹兩臣已兩
具劄子奏乞賜蠲免本月十二日准尚書省
劄子奉 聖旨不允竊緣臣聚集口累不至
重大逐月請俸贍養有餘若更叨冒 錫子
至於無厭則不知足之患深可為戒臣不免
再具誠懇仰瀆 聖聰伏望 睿慈俯垂
天鑒特賜 蠲免施行取 進止

乞解樞柄第二劄子

少保樞密副使臣岳飛劄子奏臣已具劄子
乞解罷樞密副使職事至今累日未蒙 俞
允竊念臣性識踈闇昧於事機立功無毫髮
之微論罪有丘山之積加以望輕任重德薄
寵殊荷 聖眷之兼容在孤忠而益畏煩言
忝至私義奚安欲免累於 明恩理合圖於
亟去伏望 睿慈察危倩之難處施 天造
之曲成聽還印於樞庭許投身於散地欲乞
檢會臣前奏早降 處分施行取 進止

乞解樞柄第三劄子

少保樞密副使臣岳飛劄子奏臣已累具劄
子乞解罷樞密副使職事伏蒙 聖恩降詔
不允者露章待罪自驚 寵數之過優 温
詔示恩猶閔 俞音之下逮再陳愚懇仰瀆
淵聰伏念臣濫廁樞庭誤陪 國論貪榮茲
甚補報蔑然豈惟曠職之可虞抑亦妨賢之
是懼冀 保全於終始宜遠引於山林伏望
聖慈察其誠心實非矯飾速降 睿旨許罷

機政取

進止

辭除兩鎮在京宮觀第二劄子

少保臣岳飛劄子奏臣今日十三日伏蒙

聖恩賜臣少保武勝定國軍節度使充萬壽

觀使告 軸仍奉 朝請臣已謝 恩外緣

臣見具劄子辭免已將 告命寄納臨安府

今日十四日伏奉 詔命不允竊以兩鎮節

旄 國朝盛典非有大勲豈容輕授臣前此

叨據常懼弗稱自惟智術短淺坐糜歲月攷

其績用初無絲毫安可更爾冒榮矧內祠之

任得待 清光 朝廷所以貴老尊尊用昭

異數在臣愚分非所宜處顧 待遇之愈隆

夙夜以思雖粉身碎骨何以圖報萬一愧深

汗溢感極涕橫重念臣才疎德薄人微望輕

若不自列濫當 優寵必致顛隳上辜 宸

眷欲望 聖慈追寢 成命除臣一在外宮

觀差遣取 進止

鄂國金佗稗編卷第十五

其辭曰... 夫... 臣... 謹... 奏... 其辭曰... 夫... 臣... 謹... 奏... 其辭曰... 夫... 臣... 謹... 奏...

鄂國金佗稗編卷第十六

孫奉議郎權發遣嘉興軍府兼管內勸農事岳珂編進

家集卷之七

奏議下

廣德捷奏

鄧州捷奏

復三州奏

湖寇捷奏

復西京長水縣捷奏

復潁昌府奏

陳州潁昌捷奏

鄭州捷奏

漫獨化捷奏

復西京奏

龍虎等軍捷奏

復南城軍捷奏

郟城縣北并垣曲縣等捷奏

小商橋捷奏

河北潁昌諸捷奏

王貴潁昌捷奏

臨潁捷奏

廣德捷奏

武德大夫英州刺史御營使司統制軍馬臣

岳飛狀奏恭依 聖旨將帶所部人馬邀擊

金人至廣德軍見陣共斫人頭一千二百

一十六級生擒到女真漢兒王權等二十四

人并遣差兵馬收復建康府溧陽縣殺獲五

百餘人生擒女真漢兒軍僞同知溧陽縣事
渤海太師李撒八等一十二人金人回犯常
州分遣兵馬等截邀擊掩殺四次見陣擁掩
入河棄頭不斫生擒女真萬戶少主孛董漢
兒李渭等一十一人委是屢獲勝捷謹錄奏
聞伏候 勅旨

鄧州捷奏

鎮南軍承宣使神武後軍統制江南西路舒
州兼荆南鄂岳黃復州漢陽軍德安府制

置使臣岳飛狀奏契勘叛賊李成與金賊劉
合孛董陝西番僞賊兵併聚於鄧州西北劉
三十餘寨臣遣發王貴等由光化路張憲等
由橫林路前去掩殺據統制王貴張憲等申七
月十五日離鄧州三十餘里逢賊兵共數萬
接戰分遣王萬董先軍兵出奇突擊其賊大
潰降到番宮揚德勝等二百餘人奪馬二百
餘疋衣甲不知其數內高仲將一項殘零人
馬走入鄧州閉門堅守十七日攻鄧州將士

不顧矢石蟻附而上破鄧州殺死番偽賊馬
鏖戰大獲勝捷爲暑月疲勞見起發前去德
安府歇泊聽候 朝廷指揮外謹錄奏 聞
伏候 勅旨

復三州奏

鎮南軍承宣使神武後軍統制江南西路舒
蘄州兼荆南鄂岳黃復州漢陽軍德安府制
置使臣岳飛狀奏近准 指揮遣飛進發軍
馬掩殺番偽賊馬於五月六日收復隨州七

月十七日收復鄧州二十三日收復唐州并
已收復信陽軍並已差官葺治屯兵防守已
班師江上歇泊謹錄奏 聞伏候 勅旨

湖寇捷奏

鎮寧崇信軍節度使神武後軍都統制荆湖
南北襄陽府制置使臣岳飛狀奏近差統制
官任士安部押軍馬前去 措置

把截黃誠等賊馬去後據任士安申五月五
日偽太子渠魁黃誠等節次前

來侵犯求安寨其賊

匹步軍

二萬餘人擺拽十餘里與官兵相拒鬪敵

率親兵并武功郎統領陳照人

馬分路會合至永

陣前來迎

敵任士安引兵當頭衝擊賊徒敗走奪

粘蹤追襲過苟陂山殺死甚多奪到

衣甲器械捉到

人馬見別具狀供申外委

是大獲勝捷謹錄奏

聞伏候

勅旨

復西京長水縣捷奏

起復檢校少保武勝定國軍節度使湖北京
西路宣撫副使兼營田使臣岳飛狀奏據統
制官王貴申遵依指揮差武經郎第四副將
楊再興等統率軍馬前去收復西京長水縣
去後今據申八月十三日進兵到長水縣界
業陽逢偽齊順州安撫張宣贊下孫都統并
後軍統制滿在擁賊兵數千人拒敵當時分
布軍馬掩擊賊衆殺死五百餘人生擒後軍
統制滿在并徒衆一百餘人及當陣殺獲孫

都統首級其餘殘黨盡皆奔潰再興遂再進
兵於今月十四日到本縣界孫洪 再逢張
宣贊親率賊馬二千餘人隔河 遂鼓率
人馬關敵殺散 日二更 來 復長水
縣了當奪到 石給散百姓
官兵食用即時 無分毫搔
擾申乞照會謹錄奏 聞伏候 勅旨

復賴昌府奏

武勝定國軍節度使開府儀同三司湖北京

西路宣撫使兼營田大使河南北諸路招討
使臣岳飛狀奏據前軍統制同提舉一行事
務張憲申統率軍馬前去措置除於閏六月
十九日離賴昌府四十里與番賊見陣獲捷
外憲復統率軍馬追襲賊帥韓常其賊大敗
於當月二十日收復賴昌府了當謹錄奏
聞伏候 勅旨

陳州賴昌捷奏

武勝定國軍節度使開府儀同三司湖北京

西路宣撫使兼營田大使河南北諸路招討使臣岳飛狀奏今據諸軍申到收復下項

一據前軍統制張憲申將帶諸統制將官前去措置陳州閏六月二十四日午時離陳州十五里逢賊馬軍三千餘騎見陣掩殺其衆望城奔走遂分諸頭項並進離城數里有番賊翟將軍等并添到東京一帶差來賊馬擺布大陣憲遂鼓率將士分頭入陣掩擊其賊敗走已收

復陳州了當除殺死外生擒到番賊工太保等并奪到鞍馬等委獲勝捷

一據踏白軍統制董先遊奕軍統制姚政等申統率軍馬在潁昌府駐劄閏六月二十五日辰時有番賊取長葛縣路前來先即時同姚政等統率軍馬出城迎敵到城北七里店逢鎮國大王并韓將軍那也孛堇賊馬六千餘騎擺布成陣先與姚政等分頭項徑入賊陣戰鬪及

一時辰其賊敗走追殺三十餘里除殺
死外擒到人并奪到鞍馬等委獲勝捷

右謹錄奏 聞伏候 勅旨

鄭州捷奏

武勝定國軍節度使開府儀同三司湖北京
西路宣撫使兼營田大使河南北諸路招討
使臣岳飛狀奏據中軍統制王貴申先次遣
將楊成等統率軍馬前去措置鄭州今據楊
成等申於閏六月二十五日到鄭州南逢番

賊頭領漫獨化等部領賊馬五千餘人見陣
成等遂鼓率將士與賊見陣掩殺賊馬敗走
收鄭州撫定了當委獲勝捷謹錄奏 聞伏
候 勅旨

漫獨化捷奏

武勝定國軍節度使開府儀同三司湖北京
西路宣撫使兼營田大使河南北諸路招討
使臣岳飛狀奏據本司中軍統制王貴申據
準備將劉政等申將帶人兵於閏六月二十

九日夜劫破中牟縣金賊萬戶漫獨化賊寨
殺死賊兵不知數目奪到馬三百五十餘匹
驢騾一百餘頭衣物器甲等不計數目即未
知萬戶漫獨化存亡委獲勝捷申乞照會謹
錄奏 聞伏候 勅旨

復西京奏

武勝定國軍節度使開府儀同三司湖北京
西路宣撫使兼營田大使河南北諸路招討
使臣岳飛狀奏據本司中軍統制提舉一行

事務王貴申尋差中軍副統制郝晟等統押
軍馬前去措置收復西京去後今據郝晟等
申進發至離西京六十里下寨於七月初一
日有金賊馬軍數千騎前來即時差將官張
應韓清將帶馬軍於賊來路把截其賊前來
迎敵官軍張應等即時掩殺賊馬敗走晟進
發軍馬當日酉時直湊西京城下其金賊為
已敗血當夜棄城逃遁於初二日早收復西
京了當已撫存官吏居民各安職業委獲勝

捷謹錄奏 聞伏候 勅旨

龍虎等軍捷奏

武勝定國軍節度使開府儀同三司湖北京西路宣撫使兼營田大使河南北諸路招討使臣岳飛狀奏今月初八日探得有番賊首四太子龍虎蓋天大王韓將軍親領馬軍一萬五千餘騎例各鮮明衣甲取徑路離郾城縣北二十餘里尋遣發背嵬遊奕馬軍自申時後與賊戰鬪將士各持麻扎刀提刀大

與賊手拽斫劈鏖戰數十合殺死賊兵

野不計其數至天色昏黑方始賊兵退那奪到馬二百餘匹委戰大捷謹錄奏 聞伏候 勅旨

復南城軍捷奏

武勝定國軍節度使開府儀同三司湖北京西路宣撫使兼營田大使河南北諸路招討使臣岳飛狀奏今月初十日據本司統制忠義軍馬孟邦傑申遵依指揮令措置收復南

城軍邦傑尋遣差將官楊遇等將帶入馬收
復據揚遇等申七月初 日夜二更以來南
城軍北角與金賊交陣擁掩落水溺死賊衆
不知其數并殺死賊兵三十餘人所有奪到
鞍馬舟船噐甲弓箭旗槍等別具狀供申外
逼逐賊兵出城上船渡河至初 日收復南
城軍了當已撫存官吏居民各安職業委獲
勝捷申乞照會謹錄奏 聞伏候 勅旨
鄖城縣北并垣曲等捷奏

馬就岸交戰其賊敗走追趕入絳州垣曲縣
閉門拒敵興等遂行張榜說諭不肯歸降至
午時興等領兵與統領董榮等人馬措置絞
縛雲梯一齊上城接戰殺死番賊不知數目
活捉到千戶劉來孫等一十四人并奪到戰
馬一百餘匹噐仗等見行撫存人戶安業依
舊種作外申乞照會謹錄奏聞伏候 勅旨

小商橋捷奏

武勝定國軍節度使開府儀同三司湖北京

西路宣撫使兼營田大使河南北諸路招討
使臣岳飛狀奏本月十四日本司前軍統制
同提舉一行事務張憲申本月十三日統率
背嵬遊奕并諸軍入馬起發前來小商橋北
一帶至臨潁縣措置掩殺金賊於本月十四
日天明據綽路馬報臨潁縣南逢金賊綽路
馬遂追趕過縣三十餘里殺死賊兵不知數
目其賊望潁昌府尉氏縣路前去委獲勝捷
謹錄奏聞伏候勅旨

河北潁昌諸捷奏

武勝定國軍節度使開府儀同三司湖北京
西路宣撫使兼營田大使河南北諸路招討
使臣岳飛狀奏本月十五日據本司統領忠
義軍馬梁興趙雲李進并董榮牛顯張峪申
依准指揮將帶人馬過河占奪州縣掩殺金
賊興等除已於七月初二日收復絳州垣曲
縣了當已行供申外興等統押軍馬至七月
初四日到孟州王屋縣界地名西陽邵源駐

劄兩寨漠兒軍張太保等部押手下漢軍人馬六十餘人前來投降至初五日辰時到王屋縣西地名東陽有駐劄北軍一寨爲興等統兵前去其賊棄寨逃走當日午時統率軍馬到王屋縣賊馬爲興等人馬逼近並已棄城逃走興等人馬不曾入城乘勢追趕賊馬二十餘里奪到戰馬八匹殺死賊兵三十餘人并奪到衣甲刀槍旗幟無數興等差人招誘王屋縣百姓首領王璋等五十餘人當面出給旗牌招集本縣

逃走軍民着業去訖至初六日統兵到孟州濟源縣西地名曲陽二十里以來逢金賊高太尉賊馬五千餘人騎前來興等躬親統押人馬分頭前去迎敵與賊血戰自辰時及午時其賊大敗殺死金賊一十餘里橫屍遍野并奪到器械槍刀旗鼓等無數及活捉到金賊八十餘人興等收兵歇泊下寨間至未時以來有高太尉再將到懷孟衛等州界發來賊馬一萬餘人騎分布前來興等對面擺陣

相拒興等即時分布軍馬併力與賊迎敵不
顧死生血戰自未至酉時勦殺金賊步軍八
分已上奪到戰馬驢騾二百餘頭匹活捉到
金賊一百餘人追襲至縣西門其高太尉將
帶殘零賊馬退走興等為官軍盡計見陣傷
中數多遂統押軍馬前去本縣北十餘里地
名燕川歇泊下寨委是大獲勝捷謹錄奏
聞伏候 勅旨

王貴穎昌捷奏

武勝定國軍節度使開府儀同三司湖北京
西路宣撫使兼營田大使河南北諸路招討
使臣岳飛狀奏今月十五日據本司中軍統
制提舉一行事務王貴申依准指揮統率諸
軍人馬於穎昌府屯駐今月十四日辰時以
來有番賊四太子鎮國大王并昭武大將軍
韓常及番賊萬戶四人親領番兵馬軍三萬
餘騎直抵穎昌府西門外擺列貴遂令踏白
軍統制董先選鋒軍副統制胡清守城貴親

統中軍遊奕軍人馬并機宜岳雲將帶到皆
鬼軍出城迎戰自辰時至午時血戰數十合
當陣殺死萬戶一人千戶三人賊兵橫屍滿
野約五百餘人重傷番賊不知數目其奪到
戰馬金鼓旗槍器甲等不計其數見行根刷
續具數目供申次委是大獲勝捷謹錄奏
聞伏候 勅旨 今月十五日對本府中軍
武勝定國軍節度使開府儀同三司湖北京

西路宣撫使兼營田大使河南北諸路招討
使臣岳飛狀奏據本司前軍統制同提舉一
行事務張憲申今月十八日到臨賴縣東北
逢金賊馬軍約五千騎分遣統制徐慶李山
寇成傳選等馬軍一布向前入陣與賊戰鬪
其賊敗走追趕十五餘里殺死賊兵橫屍滿
野奪到器甲等無數輕騎牽到馬一百餘匹
委是大獲勝捷謹錄奏 聞伏候 勅旨

鄂國金佖粹編卷第十六
與規規去...
鄂國金佖粹編卷第十七
孫奉議郎權發遣嘉興軍府兼軍內勸農事岳珂編進

鄂國金佖粹編卷第十七

孫奉議郎權發遣嘉興軍府兼軍內勸農事岳珂編進

家集卷之八

公牘上

乞淮東重難任使申省狀

赴鎮畫一申省劄子

申劉光世乞兵馬糧食狀

申劉光世乞進兵狀

申審招安申省狀

乞措置進兵入廣申省狀

分揀吳錫韓京兩軍訖申省狀

乞廣西戰馬申省狀

再論虔州平盜賞申省劄子

襄陽探報申省狀

乞淮東重難任使申省狀

武功大夫昌州防禦使通秦州鎮撫使兼知
秦州岳飛狀申照得飛近准 指揮差飛克
通秦州鎮撫使仰認 朝廷使令之意除已

一面起發前赴新任外契勘金賊侵寇虔劉
其志未艾要當速行勦殺殄滅靜盡收復諸
路不然則歲月滋久為患益深若蒙 朝廷
允飛今來所乞乞將飛母妻為質免充通秦
州鎮撫使止除一淮南東路重難任使令飛
招集兵馬掩殺金賊收復本路州郡伺便迤
邐收復山東河北河東京畿等路故地庶使
飛平生之志得以少快且以盡臣子報 君
之節謹具申 尚書省伏乞 鈞慈詳察特

賜 敷奏 指揮施行謹狀

平 小貼 千飛今來所管官兵一面催發前
赴新任如蒙指允飛所乞即乞
速賜 指揮亦不敢仰干 朝
廷別求添益軍馬伏乞 鈞照

赴鎮畫一申省劄子

武功大夫昌州防禦使通秦州鎮撫使兼知
秦州岳飛劄子契勘飛承 尚書省劄子三
省樞密院同奉 聖旨除授通秦州鎮撫使

兼知秦州今具條畫到合行事件下項

一 飛所統人馬見在常州宜興縣駐泊其
本縣已是闕乏錢糧無可應副飛見擇
日起發前去之任竊聞江陰鎮江見今
全闕濟渡舟船兼飛所管官兵老小數
多若以見有舟船裝載半月不能渡絕
切慮軍兵闕食失所欲乞於平江府常
州江陰軍等處支撥糧米三二萬碩應
副即日未渡江以前食用

一秦州全籍興化縣在水鄉多收稻穀以
贍兵卒今蒙已降一指揮從薛慶所乞
隸屬承州秦興縣又已割屬揚州兼契
勘秦州舊有四縣內倚郭海陵附近州
城累遭賊火蹂踐全無所收如阜一縣
臨於大路所收不廣今來秦州一小郡
難以却將兩縣屬別州顯於軍民妨闕
伏望 詳酌將上件兩縣依舊隸屬本
州所貴軍民通便如蒙 許允乞乍

特旨行下恐於人情未便有妨應援

一本軍頭口老小正兵七萬餘人口飛差
人前去體探得通秦二州即日並無糧
斛况糧斛猝急難以擘畫飛體 國不
敢過有陳乞支給錢糧欲乞借支兩浙
淮南路鹽鈔一百萬貫逐旋還納鹽事
司准充鹽本

一飛見帶軍馬萬餘自春並不曾支給衣
賜今來合給冬衣之時今體訪

州即目錢帛闕少本州人兵尚無可支
散切慮因此失所伏望 詳酌體念特
賜於有錢給官司或別州軍去處支給
冬衣一次貴免官兵赤露失所

右謹具申

尚書省

并樞密院

伏候

指揮

申劉光世乞兵馬糧食狀

武功大夫昌州防禦使通秦州鎮撫使兼知
秦州岳飛狀申飛昨奉 聖旨指揮差充前
牛差遣於八月十五日還至常州宜興縣於

十八日起發前來祇赴新任二十二日至江陰
軍歇泊據探報金人見圍楚州飛遂逐急權
差統制王貴管押兵馬等船濟渡切慮遲滯
有失事機不免躬親先入秦州於二十六日
夜二更到秦州城外承准八月十九日 指
揮令飛與趙鎮撫立犄角飛遂措置調發兵
夫糧食并不住差人勾喚王貴等軍馬實緣
舟船數少今月初九日方盡到秦州飛已差
張憲權行守城見今大軍屯駐三光宗皇帝與

金人大寨不遠惟是新復建康之後所有士
馬瘡痍尚新羸弊方甚兼自到任未及一旬
芻茭糗糧一一窘乏本未能即從王事重
以承楚之急甚於倒垂不可以頃刻安居理
宜前進欲望鈞慈捐一二千之衆假十餘
日之糧令飛得激厲士卒徑赴賊壘解二州
之圍掃犬羊之迹下以裨相公之盛烈上
以寬主上之深憂不勝幸甚謹具申安
撫相公使司伏候指揮

申劉光世乞進兵狀
武功大夫昌州防禦使通秦州鎮撫使兼知
秦州岳飛狀申竊念飛以行伍賤隸辱知
朝廷蒙被厚恩殞歿難報每以爲國家
之難雖非所命猶當勦力矧承楚之事危
迫如許累准朝廷指揮催督此正飛等捐
身徇義之秋切緣王鎮撫林郭鎮撫仲威等
並不見差撥軍馬前來使司王統制雖聞已
起發即目尚未知屯駐去處使飛孤軍委實

難以支梧今月十二日准本州遞到今月六
日指揮飛除已遵稟外契勘金賊盤泊
日久連破諸鎮王鎮撫郭鎮撫等各斂兵自
保其志已驕日即承楚一帶民戶逃死別無
鹵掠易於攻卻據探報虜人急攻楚州切恐
萬一踈虞於淮南諸鎮利害不細飛已於今
月十五日具申使司去訖飛一面起發前
往承州以來措置勦殺外伏乞鈞慈特指
一二千之衆別差統制官一員前來犄角庶

立大功不致上誤 國事謹具申 安撫相
公使司伏候 指揮

申審招安申省狀

親衛大夫建州觀察使神武副軍都統制權
知潭州兼權荆湖東路安撫都總管岳飛申
契勘湖東路見今盜賊嘯聚動以數萬李宏
在岳州劉忠在湘陰曹成在道州作過其餘
寇盜不少除見措置勦殺外其間若有能改
行自新之人未委合與不合招安如許飛招

安欲望 給降金字牌黃旗十副仍乞差使
臣管押付飛交割謹具申 尚書省并樞院伏
候指揮

乞措置進兵入廣申省狀

親衛大夫建州觀察使神武副軍都統制
知潭州兼權荆湖東路安撫都總管岳飛申
契勘飛承樞密院劄子奉 聖旨指揮統率
軍馬前來湖東措置收捕曹成賊馬飛尋依
時起發及沿路不住差信實人到道州以來

體探上件曹成作為次第至三月三十日游
兵到衡州茶陵縣承諸處探報曹成已於三
月二十七日起離道州望全末州路前去緣
茶陵縣至道州尚有六百餘里飛未敢信憑
遂領一行軍馬前來郴州桂陽監體度賊馬
的實動息於四月初八日到郴州管下永興
界地名橘水郊承郴州并桂陽監公文探知
曹成賊馬分路逃遁前去全永賀州界去訖
至三月二十七日並已起離道州盡絕本軍

亦差人探得與諸處關報一同飛今部領軍
馬前去道州如到彼賊兵未遠即便尾襲追
趕若逃遁程途已遠其賊聞飛兵到必不敢
前來拒敵飛欲深往追趕又恐二廣不曾得
朝廷指揮不肯應辦錢糧必致闕誤兼近據
潭州申劉忠掩殺馬友下統制王成大潰竊
恐馬友見飛已入湖東及曹成遁走又不能
捍禦劉忠賊馬以此心懷疑惑別致生事飛
欲徑往潭州安撫馬友訖先次措置勦殺劉

忠等賊了當即乞前去收捕曹成除已具錄
奏聞外伏望特降指揮付飛遵依施行

謹具申尚書省并樞密院伏候指揮

小貼子飛契勘曹成賊馬經由全永賀

州界逃遁已不住關報廣東西
安撫使請爲統率逐路軍馬照
應把截無致侵入二廣外伏望
特降指揮下逐路帥臣更切火
急嚴緊把截施行伏候指揮

又小貼子契勘湖東事體非輕飛出自
寒微望輕材薄今令權一路切
恐不能稱任止乞依舊統制名
目前去追殺曹成仍乞先次行
下二廣路令應副一行錢糧仍
乞一才幹官充隨軍運使專一
措置錢糧庶得常不闕誤
分揀吳錫韓京兩軍訖申省狀
親衛大夫建州觀察使神武副軍都統制權

知潭州兼權荆湖東路安撫都總管岳飛申
契勘飛近奉 聖旨差權荆湖東路安撫都
總管及統率馬友并本路李宏吳錫韓京諸
頭項軍馬前來措置掩殺曹成飛尋依應起
發已到湖東界其韓京元屯兵衡州茶陵縣
吳錫在郴州兩項所管官兵多是老弱及湖
東土人在內充數其實堪出戰人各不滿一
千又緣不經戰鬪久在州縣屯泊全無紀律
今來飛已將上件人馬除揀選不堪披帶人

給據放散外將實堪披帶人數分撥付本軍
諸將收管使喚訖謹具申懇尚書省并樞密院伏
乞照會謹狀

乞廣西戰馬申省狀

親衛大夫建州觀察使神武副軍都統制權
知潭州兼權荆湖東路安撫都總管岳飛狀
申恭奉 聖旨指揮差撥飛軍馬前來措置
收捕曹成賊馬其曹成近自道州起發部領
賊衆於賀州界深山桂嶺割立巢穴占據嶮

峻備敵官軍飛提兵到北藏嶺下寨其賊嚴
備守隘飛料曹成騎兵頗多緣飛所管戰馬
比之曹成數目十不及一遂逐急於廣西經
略司省馬內借到三百匹乘騎出戰與曹成
下王淵賊馬見陣約及數時殺散王淵了當
其所借省馬爲自廣西遠來料食不足例皆
疲瘦及見陣往來馳逐落崖倒死者一百八
十匹伏望 特降 指揮將上件見管未還
廣西馬數特許存留充神武副軍出戰及更

乞下廣西經略司支撥堪好馬五百匹付飛
使用謹具申并樞密院尚書省伏候指揮

再論虔州平盜賞申省劄子

鎮南軍承宣使神武後軍統制充江南西路
舒蘄州制置使岳飛劄子契勘今年討捕虔
吉州界盜賊山寨計數百餘座其吉盜如彭
鐵大李動天兩寨結連肆毒其徒多至數萬
侵犯江西湖南及以首領號為十大王桀黠
為甚虔盜如陳顥羅閑十等四百餘黨自為


頭首各成寨柵其徒十餘萬衆結為表裏拒
敵官軍尤為猖獗恃賴山險侵犯數路廣東
則循梅潮惠英韶南雄以至廣州江西則虔
州南安之雩都江東則建昌軍福建則汀州
邵武等皆為所攻劫縱橫往來者數年飛頃
奉 聖旨提兵討之雖正當盛夏炎瘴交侵
而一時將士奮不顧身爭先用命以獲平蕩
首領雖衆並就生擒一無遺類向非賞罰明
均何以使人盡力如此伏望 朝廷特賜

詳酌將今來功賞依去年韓開府收捉福建
范汝為恩例施行庶使有以激勸兵將緩急
可以倚仗謹具申尚書省并樞密院伏候指揮
奉旨小貼子契勘飛近蒙朝廷褒擢飛累
次在辭免不蒙俞允即非欲夸
陝南安之微勞以謀身計蓋恐朝廷
傾酬蘇將來別有使喚庶得將士盡力
備言軍次區區之愚畢盡於此伏乞鈞
旨各慈特賜詳察

襄陽探報申省狀

鎮南軍承宣使神武後軍統制江南西路舒
蘄州兼荆南鄂岳制置使岳飛狀申據探到
偽齊添差番賊并簽軍見在新野龍陂胡陽
棗陽縣并唐鄧州一帶屯駐大段數多見一
面竭力措置外謹具申尚書省并樞密院伏乞
照會謹狀

鄂國金佗粹編卷第十七



鄂國金佗粹編卷第十七
有以激勸兵將趨急
尚書省詳陳伏候指揮
直以趨具由是尚書省詳陳伏候指揮
東湖總兵官發牌一帶使竭本湖總兵官
謝齊泰差番規表發軍具亦據理請刻防湖
潭州東岸南將任歸置湖去發米由湖湖陸
與南軍年宣外縣友外軍於歸玉南西發轉

東湖總兵官申省米

